

## SHARED BIGRAMS: YIJING VS SHIJING

Characters in red are bigrams that occurred in 詩經 Shijing.  
The edition I used and prepared for analysis is that available at:  
[Gutenberg.org](http://www.gutenberg.org), here in link.

Please, keep in mind that, even if counterchecked, this is at present a product by automatic processes.

Here some link to useful web pages:

- <https://ctext.org/book-of-poetry>
- <http://chinesenotes.com/shijing.html>
- <https://cti.lib.virginia.edu/shijing/AnoShih.html>
- <https://gitlab.huma-num.fr/chi-know-po/shijing-net/>
- <https://camcc.soc.srcf.net/reading-group/shijing>
- <http://harrisonhuang.net/odes/P305.html>

§§§

\* processing phases synthesis:

1. texts are uploaded in “[Corpus Grams Tool](#)” – web DocuSky interface or, as alternative tool –to be preferred in tracking more than 10.000 occurrences– ‘[nGram](#)’ utility in [C-Text tool suite](#): 2 ‘ngrams’ selected;
2. the CSV file produced, is then managed in spreadsheet and refined with key-list/corpus tools as [Docusky TagStatsTool](#);
3. the resulted bigrams–kyword list is checked against the ZhouYi text, with ‘Regular Expressions’ both in classical ‘word processors’ and specialised [Regex101](#) web resource, to launch a complete and refined research, and to get over ‘overlapping’ occurrences in strings [[here an example](#), with positive look ahead expression (?=(n|n|n))].

1

乾元亨利貞

- 1 潛龍勿用
- 2 見龍在田利見大人
- 3 君子終日乾乾夕惕若厲无咎
- 4 或躍在淵无咎
- 5 飛龍在天利見大人
- 6 亢龍有悔
- 7 見羣龍无首吉

2

坤元亨利牝馬之貞君子有攸往先迷後得主利西南得朋東北喪朋安貞吉

- 1 履霜堅冰至
- 2 直方大不習无不利
- 3 含章可貞或從王事无成有終
- 4 括囊无咎无譽
- 5 黃裳元吉
- 6 龍戰于野其血玄黃
- 7 利永貞

3

屯元亨利貞勿用有攸往利建侯

- 1 磐桓利居貞利建侯
- 2 屯如遭如乘馬班如匪寇婚媾女子貞不字十年乃字
- 3 即鹿無虞惟入于林中君子幾不如舍往吝
- 4 乘馬班如求婚媾往吉无不利
- 5 屯其膏小貞吉大貞凶
- 6 乘馬班如泣血漣如

4

蒙亨匪我求童蒙童蒙求我初筮告再三瀆瀆則不告利貞

- 1 發蒙利用刑人用說桎梏以往吝
- 2 包蒙吉納婦吉子克家
- 3 勿用取女見金夫不有躬无攸利
- 4 困蒙吝
- 5 童蒙吉
- 6 擊蒙不利為寇利禦寇

5

需有孚光亨貞吉利涉大川

- 1 需于郊利用恆无咎
- 2 需于沙小有言終吉
- 3 需于泥致寇至
- 4 需于血出自穴
- 5 需于酒食貞吉
- 6 入于穴有不速之客三人來敬之終吉

6

訟有孚窒惕中吉終凶利見大人不利涉大川

- 1 不永所事小有言終吉
- 2 不克訟歸而逋其邑人三百户无眚
- 3 食舊德貞厲終吉或從王事无成
- 4 不克訟復即命渝安貞吉
- 5 訟元吉
- 6 或錫鞶帶終朝三褫之

7

師貞丈人吉无咎

- 1 師出以律否臧凶
- 2 在師中吉无咎王三錫命
- 3 師或輿尸凶
- 4 師左次无咎
- 5 田有禽利執言无咎長子帥師弟子輿尸貞凶
- 6 大君有命開國承家小人勿用

8

比吉原筮元永貞无咎不寧方來後夫凶

- 1 有孚比之无咎有孚盈缶終來有它吉
- 2 比之自內貞吉
- 3 比之匪人
- 4 外比之貞吉
- 5 顯比王用三驅失前禽邑人不誠吉
- 6 比之无首凶

9

小畜亨密雲不雨自我西郊

- 1 復自道何其咎吉
- 2 牽復吉
- 3 輿說輻夫妻反目
- 4 有孚血去惕出无咎
- 5 有孚攣如富以其鄰
- 6 既雨既處尚德載婦貞厲月幾望君子征凶

10

履虎尾不咥人亨

- 1 素履往无咎
- 2 履道坦坦幽人貞吉
- 3 眇能視跛能履履虎尾咥人凶武人為于大君
- 4 履虎尾愬愬終吉
- 5 夬履貞厲
- 6 視履考祥其旋元吉

11

泰小往大來吉亨

- 1 拔茅茹以其彙征吉
- 2 包荒用馮河不遐遺朋亡得尚于中行
- 3 无平不陂无往不復艱貞无咎勿恤其孚于食有福
- 4 翩翩不富以其鄰不戒以孚
- 5 帝乙歸妹以祉元吉
- 6 城復于隍勿用師自邑告命貞吝

12

否之匪人不利君子貞大往小來

- 1 拔茅茹以其彙貞吉亨
- 2 包承小人吉大人否亨
- 3 包羞
- 4 有命无咎疇離祉
- 5 休否大人吉其亡其亡繫于苞桑
- 6 傾否先否後喜

13

同人于野亨利涉大川利君子貞

- 1 同人于門无咎
- 2 同人于宗吝
- 3 伏戎于莽升其高陵三歲不興
- 4 乘其墉弗克攻吉
- 5 同人先號咷而後笑大師克相遇
- 6 同人于郊无悔

14

大有元亨

- 1 无交害匪咎艱則无咎
- 2 大車以載有攸往无咎
- 3 公用亨于天子小人弗克
- 4 匪其彭无咎
- 5 厥孚交如威如吉
- 6 自天祐之吉无不利

15

謙亨君子有終

- 1 謙謙君子用涉大川吉
- 2 鳴謙貞吉
- 3 勞謙君子有終吉
- 4 无不利撝謙
- 5 不富以其鄰利用侵伐无不利
- 6 鳴謙利用行師征邑國

16

豫利建侯行師

- 1 鳴豫凶
- 2 介于石不終日貞吉
- 3 盱豫悔遲有悔
- 4 由豫大有得勿疑朋盍簪
- 5 貞疾恆不死
- 6 冥豫成有渝无咎

17

隨元亨利貞无咎

- 1 官有渝貞吉出門交有功
- 2 係小子失丈夫
- 3 係丈夫失小子隨有求得利居貞
- 4 隨有獲貞凶有孚在道以明何咎
- 5 孚于嘉吉
- 6 拘係之乃從維之王用亨于西山

18

蠱元亨利涉大川先甲三日後甲三日

- 1 幹父之蠱有子考无咎厲終吉
- 2 幹母之蠱不可貞
- 3 幹父之蠱小有悔无大咎
- 4 裕父之蠱往見吝
- 5 幹父之蠱用譽
- 6 不事王侯高尚其事

19

臨元亨利貞至于八月有凶

- 1 咸臨貞吉
- 2 咸臨吉无不利
- 3 甘臨无攸利既憂之无咎
- 4 至臨无咎
- 5 知臨大君之宜吉
- 6 敦臨吉无咎

20

觀盥而不薦有孚顒若

- 1 童觀小人无咎君子吝
- 2 闕觀利女貞
- 3 觀我生進退
- 4 觀國之光利用賓于王
- 5 觀我生君子无咎
- 6 觀其生君子无咎

21

噬嗑亨利用獄

- 1 履校滅趾无咎
- 2 噬膚滅鼻无咎
- 3 噬腊肉遇毒小吝无咎
- 4 噬乾肺得金矢利艱貞吉
- 5 噬乾肉得黃金貞厲无咎
- 6 何校滅耳凶

22

賁亨小利有攸往

- 1 賁其趾舍車而徒
- 2 賁其須
- 3 賁如濡如永貞吉
- 4 賁如皤如白馬翰如匪寇婚媾
- 5 賁于丘園束帛戔戔吝終吉
- 6 白賁无咎

23

剝不利有攸往

- 1 剝牀以足蔑貞凶
- 2 剝牀以辨蔑貞凶
- 3 剝之无咎
- 4 剝牀以膚凶
- 5 貫魚以宮人寵无不利
- 6 碩果不食君子得輿小人剝廬

24

復亨出入无疾朋來无咎反復其道七日來復利有攸往

- 1 不遠復无祇悔元吉
- 2 休復吉
- 3 頻復厲无咎
- 4 中行獨復
- 5 敦復无悔
- 6 迷復凶有災眚用行師終有大敗以其國君凶至于十年不克征

25

无妄元亨利貞其匪正有眚不利有攸往

- 1 无妄往吉
- 2 不耕穫不菑畲則利有攸往
- 3 无妄之災或繫之牛行人之得邑人之災
- 4 可貞无咎
- 5 无妄之疾勿藥有喜
- 6 无妄行有眚无攸利

26

大畜利貞不家食吉利涉大川

- 1 有厲利已
- 2 輿說輶
- 3 良馬逐利艱貞曰閑輿衛利有攸往
- 4 童牛之牯元吉
- 5 豮豕之牙吉
- 6 何天之衢亨

27

頤貞吉觀頤自求口實

- 1 舍爾靈龜觀我朵頤凶
- 2 顛頤拂經于丘頤征凶
- 3 拂頤貞凶十年勿用无攸利
- 4 顛頤吉虎視眈眈其欲逐逐无咎
- 5 拂經居貞吉不可涉大川
- 6 由頤厲吉利涉大川

28

大過棟撓利有攸往亨

- 1 藉用白茅无咎
- 2 枯楊生稊老夫得其女妻无不利
- 3 棟橈凶
- 4 棟隆吉有它吝
- 5 枯楊生華老婦得其士夫无咎无譽
- 6 過涉滅頂凶无咎



29

習坎有孚維心亨行有尚

- 1 習坎入于坎窞凶
- 2 坎有險求小得
- 3 來之坎坎險且枕入于坎窞勿用
- 4 樽酒簋贰用缶納約自牖終无咎
- 5 坎不盈祗既平无咎
- 6 係用徽纆寘于叢棘三歲不得凶

30

離利貞亨畜牝牛吉

- 1 履錯然敬之无咎
- 2 黃離元吉
- 3 日昃之離不鼓缶而歌則大耋之嗟凶
- 4 突如其來如焚如死如棄如
- 5 出涕沱若戚嗟若吉
- 6 王用出征有嘉折首獲匪其醜无咎

31

咸亨利貞取女吉

- 1 咸其拇
- 2 咸其腓凶居吉
- 3 咸其股執其隨往吝
- 4 貞吉悔亡憧憧往來朋從爾思
- 5 咸其脢无悔
- 6 咸其輔頰舌

32

恆亨无咎利貞利有攸往

- 1 浚恆貞凶无攸利
- 2 悔亡
- 3 不恆其德或承之羞貞吝
- 4 田无禽
- 5 恆其德貞婦人吉夫子凶
- 6 振恆凶

33

遯亨小利貞

- 1 遯尾厲勿用有攸往
- 2 執之用黃牛之革莫之勝說
- 3 係遯有疾厲畜臣妾吉
- 4 好遯君子吉小人否
- 5 嘉遯貞吉
- 6 肥遯无不利

34

大壯利貞

- 1 壯于趾征凶有孚
- 2 貞吉
- 3 小人用壯君子用罔貞厲羝羊觸藩羸其角
- 4 貞吉悔亡藩決不羸壯于大輿之輹
- 5 喪羊于易无悔
- 6 羝羊觸藩不能退不能遂无攸利艱則吉

35

晉康侯用錫馬蕃庶晝日三接

- 1 晉如摧如貞吉罔孚裕无咎
- 2 晉如愁如貞吉受茲介福于其王母
- 3 眾允悔亡
- 4 晉如鼫鼠貞厲
- 5 悔亡失得勿恤往吉无不利
- 6 晉其角維用伐邑厲吉无咎貞吝

36

明夷利艱貞

- 1 明夷于飛垂其翼君子于行三日不食有攸往主人有言
- 2 明夷夷于左股用拯馬壯吉
- 3 明夷于南狩得其大首不可疾貞
- 4 入于左腹獲明夷之心于出門庭
- 5 箕子之明夷利貞
- 6 不明晦初登于天後入于地

37

家人利女貞

- 1 閑有家悔亡
- 2 无攸遂在中饋貞吉
- 3 家人嗃嗃悔厲吉婦子嘻嘻終吝
- 4 富家大吉
- 5 王假有家勿恤吉
- 6 有孚威如終吉

38

睽小事吉

- 1 悔亡喪馬勿逐自復見惡人无咎
- 2 遇主于巷无咎
- 3 見輿曳其牛掣其人天且劓无初有終
- 4 睽孤遇元夫交孚厲无咎
- 5 悔亡厥宗噬膚往何咎
- 6 睽孤見豕負塗載鬼一車先張之弧後說之弧匪寇婚媾往遇雨則吉

39

蹇利西南不利東北利見大人貞吉

- 1 往蹇來譽
- 2 王臣蹇蹇匪躬之故
- 3 往蹇來反
- 4 往蹇來連
- 5 大蹇朋來
- 6 往蹇來碩吉利見大人

40

解利西南无所往其來復吉有攸往夙吉

- 1 无咎
- 2 田獲三狐得黃矢貞吉
- 3 負且乘致寇至貞吝
- 4 解而拇朋至斯孚
- 5 君子維有解吉有孚于小人
- 6 公用射隼于高墉之上獲之无不利

41

損有孚元吉无咎可貞利有攸往曷之用二簋可用享

- 1 已事遄往无咎酌損之
- 2 利貞征凶弗損益之
- 3 三人行則損一人一人行則得其友
- 4 損其疾使遄有喜无咎
- 5 或益之十朋之龜弗克違元吉
- 6 弗損益之无咎貞吉利有攸往得臣无家

42

益利有攸往利涉大川

- 1 利用為大作元吉无咎
- 2 或益之十朋之龜弗克違永貞吉王用享于帝吉
- 3 益之用凶事无咎有孚中行告公用圭
- 4 中行告公從利用為依遷國
- 5 有孚惠心勿問元吉有孚惠我德
- 6 莫益之或擊之立心勿恆凶

43

夬揚于王庭孚號有厲告自邑不利即戎利有攸往

- 1 壯于前趾往不勝為咎
- 2 惕號莫夜有戎勿恤
- 3 壯于頄有凶君子夬夬獨行遇雨若濡有愠无咎
- 4 臀无膚其行次且牽羊悔亡聞言不信
- 5 莫陸夬夬中行无咎
- 6 无號終有凶

44

姤女壯勿用取女

- 1 繫于金柅貞吉有攸往見凶羸豕孚蹢躅
- 2 包有魚无咎不利賓
- 3 臀无膚其行次且厲无大咎
- 4 包无魚起凶
- 5 以杞包瓜含章有隕自天
- 6 姤其角吝无咎

45

萃亨王假有廟利見大人亨利貞用大牲吉利有攸往

- 1 有孚不終乃亂乃萃若號一握為笑勿恤往无咎
- 2 引吉无咎孚乃利用禴
- 3 萃如嗟如无攸利往无咎小吝
- 4 大吉无咎
- 5 萃有位无咎匪孚元永貞悔亡
- 6 齎咨涕洟无咎

46

升元亨用見大人勿恤南征吉

- 1 允升大吉
- 2 孚乃利用禴无咎
- 3 升虛邑
- 4 王用亨于岐山吉无咎
- 5 貞吉升階
- 6 冥升利于不息之貞

47

困亨貞大人吉无咎有言不信

- 1 臀困于株木入于幽谷三歲不覿
- 2 困于酒食朱紱方來利用享祀征凶无咎
- 3 困于石據于蒺藜入于其宮不見其妻凶
- 4 來徐徐困于金車吝有終
- 5 劓劓困于赤紱乃徐有說利用祭祀
- 6 困于葛藟于臲臲曰動悔有悔征吉

48

井改邑不改井无喪无得往來井井汔至亦未繙井羸其瓶凶

- 1 井泥不食舊井无禽
- 2 井谷射鮒甕敝漏
- 3 井渫不食為我心恻可用汲王明並受其福
- 4 井甃无咎
- 5 井冽寒泉食
- 6 井收勿幕有孚元吉

49

革已日乃孚元亨利貞悔亡

- 1 鞏用黃牛之革
- 2 已日乃革之征吉无咎
- 3 征凶貞厲革言三就有孚
- 4 悔亡有孚改命吉
- 5 大人虎變未占有孚
- 6 君子豹變小人革面征凶居貞吉

50

鼎元吉亨

- 1 鼎顛趾利出否得妾以其子无咎
- 2 鼎有實我仇有疾不我能即吉
- 3 鼎耳革其行塞雉膏不食方雨虧悔終吉
- 4 鼎折足覆公餗其形渥凶
- 5 鼎黃耳金鉉利貞
- 6 鼎玉鉉大吉无不利

51

震亨震來虩虩笑言啞啞震驚百里不喪匕鬯

- 1 震來虩虩後笑言啞啞吉
- 2 震來厲億喪貝躋于九陵勿逐七日得
- 3 震蘇蘇震行无咎
- 4 震遂泥
- 5 震往來厲意无喪有事
- 6 震索索視矍矍征凶震不于其躬于其鄰无咎婚媾有言

52

艮其背不獲其身行其庭不見其人无咎

- 1 艮其趾无咎利永貞
- 2 艮其腓不拯其隨其心不快
- 3 艮其限列其夤厲熏心
- 4 艮其身无咎
- 5 艮其輔言有序悔亡
- 6 敦艮吉

53

漸女歸吉利貞

- 1 鴻漸于干小子厲有言無咎
- 2 鴻漸于磐飲食衎衎吉
- 3 鴻漸于陸夫征不復婦孕不育凶利禦寇
- 4 鴻漸于木或得其桷无咎
- 5 鴻漸于陵婦三歲不孕終莫之勝吉
- 6 鴻漸于陸其羽可用為儀吉

54

歸妹征凶无攸利

- 1 歸妹以娣跛能履征吉
- 2 眇能視利幽人之貞
- 3 歸妹以須反歸以娣
- 4 歸妹愆期遲歸有時
- 5 帝乙歸妹其君之袂不如其娣之袂良月幾望吉
- 6 女承筐无實土刲羊无血无攸利

55

豐亨王假之勿憂宜日中

- 1 遇其配主雖旬无咎往有尚
- 2 豐其蔀日中見斗往得疑疾有孚發若吉
- 3 豐其沛日中見沫折其右肱无咎
- 4 豐其蔀日中見斗遇其夷主吉
- 5 來章有慶譽吉
- 6 豐其屋蔀其家闐其戶闐其无人三歲不覲凶

56

旅小亨旅貞吉

- 1 旅瑣瑣斯其所取災
- 2 旅即次懷其資得童僕貞
- 3 旅焚其次喪其童僕貞厲
- 4 旅于處得其資斧我心不快
- 5 射雉一矢亡終以譽命
- 6 鳥焚其巢旅人先笑後號咷喪牛于易凶

57

巽小亨利有攸往利見大人

- 1 進退利武人之貞
- 2 巽在牀下用史巫紛若吉无咎
- 3 頻巽吝
- 4 悔亡田獲三品
- 5 貞吉悔亡无不利无初有終庚三日後庚三日吉
- 6 巽在牀下喪其資斧貞凶

58

兌亨利貞

- 1 和兌吉
- 2 孚兌吉悔亡
- 3 來兌凶
- 4 商兌未寧介疾有喜
- 5 孚于剝有厲
- 6 引兌

59

渙亨王假有廟利涉大川利貞

- 1 用拯馬壯吉
- 2 渙奔其机悔亡
- 3 渙其躬无悔
- 4 渙其羣元吉渙有丘匪夷所思
- 5 渙汗其大號渙王居无咎
- 6 渙其血去逖出无咎

60

節亨苦節不可貞

- 1 不出戶庭无咎
- 2 不出門庭凶
- 3 不節若則嗟若无咎
- 4 安節亨
- 5 甘節吉往有尚
- 6 苦節貞凶悔亡



61

中孚豚魚吉利涉大川利貞

- 1 虞吉有他不燕
- 2 鳴鶴在陰其子和之我有好爵吾與爾靡之
- 3 得敵或鼓或罷或泣或歌
- 4 月幾望馬匹亡无咎
- 5 有孚攣如无咎
- 6 翰音登于天貞凶

62

小過亨利貞可小事不可大事飛鳥遺之音不宜上宜下大吉

- 1 飛鳥以凶
- 2 過其祖遇其妣不及其君遇其臣无咎
- 3 弗過防之從或戕之凶
- 4 无咎弗過遇之往厲必戒勿用永貞
- 5 密雲不雨自我西郊公弋取彼在穴
- 6 弗遇過之飛鳥離之凶是謂災眚

63

既濟亨小利貞初吉終亂

- 1 曳其輪濡其尾无咎
- 2 婦喪其茀勿逐七日得
- 3 高宗伐鬼方三年克之小人勿用
- 4 繻有衣袽終日戒
- 5 東鄰殺牛不如西鄰之禴祭實受其福
- 6 濡其首厲

64

未濟亨小狐汔濟濡其尾无攸利

- 1 濡其尾吝
- 2 曳其輪貞吉
- 3 未濟征凶利涉大川
- 4 貞吉悔亡震用伐鬼方三年有賞于大國
- 5 貞吉无悔君子之光有孚吉
- 6 有孚于飲酒无咎濡其首有孚失是